

Na osnovu člana 9., a u vezi sa članom 28. Statuta, Skupština Ljekarske komore Tuzlanskog kantona na svojoj redovnoj sjednici održanoj dana 31.05.2011. godine usvojila je

## **PRAVILNIK O FINANSIJSKOM POSLOVANJU LJEKARSKE KOMORE TUZLANSKOG KANTONA**

### Član 1.

Pravilnikom o finansijskom poslovanju Ljekarske komore Tuzlanskog kantona (u daljem tekstu: Pravilnik) reguliše se način prikupljanja i raspolaganja sredstvima Ljekarske komore Tuzlanskog kantona (u daljem tekstu: Komora), te nadzor nad finansijskim poslovanjem Komore.

### Član 2.

Izvori finansiranja Komore su:

1. upisnina
2. članarina
3. naknada za usluge Komore
4. donacije
5. ostali izvori.

### Član 3.

Finansijski plan donosi Skupštinsko vijeće a usvaja ga Skupština Komore svake godine u okviru godišnjeg plana i programa, i to do kraja decembra mjeseca tekuće godine za narednu godinu. Finansijski plan sadrži strukturu očekivanih prihoda i rashoda za jednu godinu. Prijedlog finansijskog plana Skupštini dostavlja Izvršni odbor Komore.

### Član 4.

Finansijsko poslovanje Komore obavlja se preko žiro računa otvorenog kod jedne ili više poslovnih banaka registrovanih na području Tuzlanskog kantona.

### Član 5.

Komora je dužna voditi poslovne knjige i sastavljati finansijske izvještaje za potrebe poreskih i drugih državnih organa, u skladu sa zakonom.

### Član 6.

Organi Komore dužni su upravljati imovinom i sredstvima Komore sa pažnjom dobrog domaćina. Svi pravni poslovi koji se preduzimaju u ime i za račun Komore zaključuju se po tržišnoj vrijednosti, odnosno pod uslovima koji su najpovoljniji za Komoru.

### Član 7.

Član organa Komore ne može glasati u stvarima u kojima njegov imovinski interes, interes njegovog bračnog druga ili srodnika do trećeg stepena srodstva može biti u suprotnosti sa imovinskim interesima Komore.

### Član 8.

Izvršni odbor Komore odlučuje o raspolaganju finansijskim sredstvima Komore, u skladu sa finansijskim planom.

O vanrednim rashodima, koja nisu predviđena finansijskim planom, odlučuje Izvršni odbor Komore. Naloge za finansijska davanja iz stava 1. i stava 2. ovog člana potpisuje Predsjednik Komore na osnovu odluke Izvršnog odbora Komore.

### Član 9.

Odluku o zaduženju Komore prema trećim licima u pravnom prometu donosi :

1. Skupštinsko vijeće – za sklapanje pravnih poslova čija je vrijednost veća od 10.000,00 KM;
2. Izvršni odbor – za sklapanje pravnih poslova čija vrijednost ne prelazi iznos od 10.000,00 KM;
3. Predsjednik Komore – za sklapanje pravnih poslova čija vrijednost ne prelazi iznos od 1.000,00 KM.

### Član 10.

Izvještaj o finansijskom poslovanju Komore Izvršni odbor podnosi Skupštinskom vijeću u februaru mjesecu tekuće godine za prethodnu godinu, po izrađenom završnom računu.

### Član 11.

Nadzor nad finansijskim poslovanjem Komore vrši Nadzorni odbor Komore. Nadzor iz prethodnog stava vrši se najmanje jedanput godišnje, pred izradu završnog računa. Stručna služba dužna je omogućiti Nadzornom odboru uvid u finansijsku dokumentaciju u vrijeme obavljanja nadzora.

### Član 12.

Ovaj Pravilnik stupa na snagu nakon što ga usvoji Skupština Komore.

Predsjednik Skupštine  
Prof.dr.Nedima Kapidžić Bašić

Tuzla, 31.05.2011.g.

Broj 373/11